

Cemerlang akademik, kepimpinan kunci kejayaan penerima Anugerah Pelajaran Diraja

UB 15.12.2023 P.02

KOTA KINABALU: Cemerlang dalam akademik, aktif dalam kokurikulum dan giat dalam aktiviti kepimpinan membolehkan Pravithra Manokaran, graduan Fakulti Sains dan Sumber Alam (FSSA) dinobatkan sebagai penerima Anugerah Pelajaran Diraja sempena Majlis Konvokesyen Universiti Malaysia Sabah (UMS) ke-25.

Anugerah itu disampaikan oleh Yang Dipertua Negeri Tun Juhar Mahiruddin yang merupakan Canselor UMS.

Pravithra, 23, anak jati Pulau Pinang, mengekalkan kecemerlangan sepanjang tempoh pengajian dengan memperoleh Anugerah Dekan setiap semester, sekali gus berjaya merangkul gelaran kelas pertama Ijazah Sarjana Muda Sains dengan Kepujian (Bioteknologi) dengan memperoleh Purata Nilai Gred Kumulatif (PNGK) 3.86.

Beliau ketika ditemui tidak menyangkaakan terpilih untuk menerima anugerah itu dan hanya mengetahui tentang penganugerahan setelah dimasukkan ke dalam kumpulan sembang WhatsApp penerima anugerah untuk konveksyen.



BERJAYA: Eizlan menunjukkan ijazah yang diterimanya.

“Tips yang boleh saya kongsi untuk kekalkan kecemerlangan antara lain pentingnya untuk menyusun atur waktu mengikut keutamaan kerana ini membolehkan saya menyiapkan tugas sebelum tarikh tamat tempoh serta mengurangkan membuat tugas kuliah pada saat akhir,” katanya.

Sementara itu, atlet lompat tinggi negara, Mohamad Eizlan Dahalan tidak menjadikan kesibukan aktiviti sukan di padang sebagai halangan untuk menggenggam segulung ijazah pada Majlis Konvokesyen UMS.

Graduan ijazah Sarjana Muda Antropologi dan Sosiologi (ANSOS) itu berbangga dengan pencapaiannya sekali gus membuktikan kejayaannya mengorak selangkah lagi ke hadapan untuk merealisasikan impiannya.

Ketika ditanya bagaimana beliau membahagikan masa antara akademik dan sukan, Eizlan berkata, disiplin diri yang tinggi dan pengurusan masa yang baik sentiasa jadi amalnya.

“Saya mengatur jadual untuk membahagikan masa saya untuk belajar dan membuat latihan.



ANUGERAH: Pravithra dinobatkan sebagai penerima Anugerah Pelajaran Diraja.